

故父管僧錄遺下秘密經板一部捨入平江路磧砂寺
大藏經坊一處安頓永遠印造流通祝延

聖壽願大吉祥如意者

至正十三年二月十六日奉 佛管肇真吃刺謹施

大乘理趣六波羅蜜多經卷第八 多八

大唐罽賓國三藏 般若奉 詔譯

靜慮波羅蜜多品第九

爾時佛薄伽梵處種種摩尼寶王師子之座
爲無量無數大菩薩摩訶薩衆之所圍遶是
諸菩薩或現天身天衆圍遶或現龍身龍衆
圍遶乃至或現非人身非人衆圍遶或現菩
薩身菩薩衆圍遶光明晃曜普及大會靡不
周徧時慈氏菩薩摩訶薩即從座起徧袒右
肩右膝著地合掌恭敬而白佛言大聖世尊
以大慈悲利益安樂諸菩薩衆已說精進波
羅蜜多惟願哀愍宣說靜慮波羅蜜多令諸

有情起大乘行云何思惟云何修習如是靜
慮波羅蜜多而得圓滿惟願宣說我等樂聞
爾時薄伽梵告慈氏菩薩摩訶薩言善哉善
哉善男子汝今能問如是深義利益安樂一
切有情汝等諦聽善思念之吾當爲汝分別
解說若善男子善女人發阿耨多羅三藐三

菩提心應作如是諦念思惟佛道懸遠無人
能到唯有一法饒益有情所謂正定若諸菩
薩未獲此定其心未得清淨不動生死涅槃
無有二相由此義故爲度衆生以巧方便精
勤修習相應靜慮無相正智猶如虛空清淨
無垢常住不變復觀此定猶如滿月一切妄
想猶若浮雲又此正定起智如清涼風能除
虛空一切雲翳朗然清淨光明照耀一切有
情見皆生喜如是滿月光明莊嚴能施有情
清涼安樂如是定慧清涼之風能除性空妄
想雲翳正定滿月出現世間大悲光明能除
有情諸煩惱熱使得清淨安樂涅槃爾時薄

伽梵而說頌言

靜慮能生智
定慧爲根本
正智見不二
究竟不相離
未來無善伴

智與理相應
供養讀誦持
無二何可得
世間一切法
父母不能救

佛果大菩提
施戒及安忍
靜慮爲親友
身歿皆相捨
況餘諸眷屬

愚不修靜慮
皆由貪五欲
如人煮少米
散亂亦如是
犁牛自愛尾

甘露門難啓
如薪火所燒
壯年老所逼
爲欲之所害
禪定棄不修
捨定不修行
如人耽睡眠
流轉生死海

輪王壽盡時
一切無隨者
隨逐不相離
智者樂修行
財寶如塵穢
一切無常吞
云何得常住

唯靜慮能護
親戚皆相離
散亂造諸惡
如人理家務
被捶猶應食

捨此身命時
唯禪定隨逐
若不修禪定
事畢應止息
必歸空寂舍

如棄於土木
此身不堅固
死墮三惡趣
如牛踐穀時
慣習不失路

七寶皆散失
唯有修靜慮
必到涅槃岸
復次慈氏若菩薩欲修靜慮波羅蜜
多先當親近大善知識復應遠離諸惡知識

世間不善及惡名聞由惡友生諸善法利名
聞福德皆因善友之所生起以依善友受持
淨戒莊嚴法身破戒之人如縛穀種一切善
法皆不得生況能滋長無漏深定如是知已
應當一心奉持淨戒乃至小罪應生怖畏寧
喪身命不毀禁戒如淨戒中已廣分別復次
菩薩摩訥薩欲修靜慮先應捨離一切世間

如醫見空華
衆生心踰動
無過修靜慮
如人遭賊劫
雖獲大果報

唯定慧能治
猶如旋火輪
若於一念中
身命難保全
猶如雜毒藥

諸佛說如是
若欲止息時
不勤修靜慮
捨定修餘業
智者不應食

多八
聞福德皆因善友之所生起以依善友受持
淨戒莊嚴法身破戒之人如縛穀種一切善
法皆不得生況能滋長無漏深定如是知已
應當一心奉持淨戒乃至小罪應生怖畏寧
喪身命不毀禁戒如淨戒中已廣分別復次
菩薩摩訥薩欲修靜慮先應捨離一切世間

多八

三

治生販賣種殖根栽何以故若不捨離擾亂其心何能安住甚深禪定以是因緣菩薩摩訶薩於四威儀斷除妄想善攝其心設聞衆聲亦無動亂譬如毒蛇置竹筒內其身自直菩薩亦爾妄想迴曲置靜慮中正見端直不生生死不入涅槃離諸邪曲若能如是善攝

六根不令放逸眼雖見色而不取相安住甚深寂靜解脫耳鼻舌身意亦如是恒以正智觀察思惟而此三業所作善根爲是自利爲是利他爲益現在爲益未來若無如是利益事者菩薩觀察決定不爲猶如世間安立石像身口意業不動亦然設遇瞋罵應起慈心或侵利養不生忿恨或被打罵應捨本居自求寂靜無患難處結跏趺坐正念觀察以大悲心而爲屋宅智慧爲鼓以覺悟杖而扣擊之告諸煩惱汝等當知諸煩惱賊從妄想生我法王家有善事起非汝所爲汝宜速出若不時出當斷汝命如是告已諸煩惱賊尋自

退散次於自身善起防護不應放逸以大悲真言令諸有情所求滿足以方便慧而爲大禪定宮闈安處不動猶若金剛以智慧劍斬煩惱賊破生死軍權伏魔怨荷負一切令諸衆生皆得解脫尔時菩薩復語其心汝於昔

時已發誓願今當自勉令其圓滿過去如來已記別汝當得菩提廣度一切汝於尔時對十方佛三乘賢聖作是誓願拔濟一切五趣有情咸令解脫今諸有情無依無怙無救無歸若入涅槃捨於生死違本誓願凡諸世間儒行忠信言尚無二況汝昔願而不依行汝

於今者應當正念一心不動拔濟有情出生死獄安置無上大般涅槃如是思已住於大乘甚深禪定是即名爲菩薩摩訶薩修習靜慮波羅蜜多

佛告慈氏有十六種靜慮波羅蜜多一切聲聞獨覺所不能知云何十六一者了達生死

而無生死是菩薩靜慮安住如來清淨禪故二
者於諸禪定不生味著是菩薩靜慮不住一
切定亂相故三者起大悲心是菩薩靜慮除
諸有情二重障故四者增長正定是菩薩
靜慮不如三界見三界故五者成就神通是
菩薩靜慮能了有情諸心行故六者善調伏

心是菩薩靜慮不住調伏不調伏故七者依
無相智得淨解脫超諸禪定是菩薩靜慮於
色無色界得自在故八者寂靜極寂靜是菩
薩靜慮勝出一切聲聞獨覺諸禪定故九者
無能燒亂是菩薩靜慮了心清淨本無動故
十者對治毀禁是菩薩靜慮除諸有情煩惱

習故十一者入智慧門是菩薩靜慮善達世
間如幻夢故十二者知衆生心是菩薩靜慮
了諸有情本性空故十三者紹三寶種是菩
薩靜慮能現如來出世間故十四者得法自
在是菩薩靜慮了一切法皆佛法故十五者
常住不壞是菩薩靜慮普門示現用恒寂故

十六者偏照一切是菩薩靜慮法界平等無
不鑒故慈氏當知此即名爲菩薩摩訶薩十
六種靜慮波羅蜜多一切聲聞獨覺所未曾
有復次慈氏菩薩摩訶薩於此勝三摩地如
是發起如人要火取木作燧以手鑽搖勤求
不懈方得火生若數休息終難得火菩薩摩
訶薩亦復如是求種智火以定爲燧安忍爲
手精勤不息便能發生一切智火是火生已
燒煩惱薪以布施水沐浴清淨用持戒香塗
摩其身處大悲座受法王位雨大法雨利樂
有情至大涅槃安樂解脫復次慈氏若諸菩
薩心未純熟於三摩地心有動轉猶如惡馬
多六五

難可調伏當知是人退失禪定應於如是勝
三摩地四威儀中無暫放捨若諸菩薩三種
心生一者嬾惰二者精進三非勤惰如是知
已應善調伏勤加精進當除懈怠嬾惰睡眠
及世緣務治生艱難若離勤隋其心正直湛
然寂靜如人遠行速即疲極緩即不至遲疾

慶中任運能達菩薩摩訶薩亦復如是應以
中道安止其心設身火然安處不動住三摩
地亦無味著以大智力常住寂靜於生死海
拔濟有情令得解脫應以十六種三摩地印
記別其心於剎那中有少動念應當觀察以
正智鉤制令止住精勤不息修行靜慮波羅

蜜多

復次慈氏菩薩摩訶薩修靜慮者有五種障
一切有情皆被覆翳所謂五蓋一者貪欲二
者瞋恚三者掉悔四者昏眠五者疑蓋除此
五蓋方得禪定身心不動是故菩薩而觀察
之何因而起云何遠離菩薩應當先觀色欲
猶如水月水動月動心生法生貪欲之心亦
復如是念念不住速起速滅復觀色欲猶如
蟠蛇在曠野中瞋毒發時頭如蔭蓋行人熱
逼投此蓋下爲毒所觸因致命終貪欲之人
亦復如是行於生死曠野磧中妄見欲境生
染著心欲想纔起喪失禪定是即名爲貪欲

蓋障復次觀於欲性如地獄火燒炎有情如
水瀑流漂沒一切無有慈悲猶如羅刹損害
有情亦如獄卒損人手足猶如利刀復如鬼
膽斷衆生命又如礮毒犯必命終如墜高山
受大苦惱如夜黑闇無所知見如白癩病不
可療治又如大海難使乾竭貪欲深廣過於
多八

六

巨海五欲麤重如妙高山如緊波果端正可
觀若人執之觸便喪命如屠羊柱懸者必亡
如熱金冠戴之燒死猶如過去轉輪聖王釋
提桓因四天王等及諸力士那羅延天一切
有情皆因貪欲興兵相伐所積身骨如毗富
羅山過去既然現在未來亦復如是復次世
間之人於己親屬父母兄弟極相憐愛乃至
身命無所惜爲貪欲故更相憎嫉起毒惡
心互相殺害貪色之人有二苦因一者富貴
爲貪色欲受諸卑賤種種輕欺二者爲貪欲
刀挑智慧眼無所分別猶如盲人爲此因緣
死墮地獄受無量苦復次貪欲之人心無厭

足如火添薪亦如國王貪於土境亦如商主貪其財利如求慧解貪於聽聞如諸菩薩樂度衆生如是等人各於已事皆無厭足貪欲之人亦復如是無有厭足求於欲境憂苦艱難得已守護纏縛倍增死墮地獄受大劇苦求靜慮者常於如是色欲怨家不應想念況

親近之以是名爲貪欲重蓋復次瞋恚蓋者如耽酒人飲已色變瞋恚亦爾顏容改變作種種相身心戰掉或行毀謗損惱自佗瞋火燒心何能修定劫功德賊無過瞋恚修靜慮者應當遠離

復次掉悔蓋者猶如狂人身心錯亂或緣親

多八

七

里國邑壽命苦樂等事妄起尋求生善惡念追悔所作如是踰動不能寂靜覆弊行捨障奢摩陀如是名爲掉悔重蓋復次昏眠蓋者疲極蒙瞢顰伸欠喎昏昧不任能覆輕安障觀慧品修靜慮者應當除棄是則名爲昏眠重蓋復次疑惑蓋者常懷疑惑理事不決障

礙施戒安忍精進禪定智慧三世因果三寶性相皆不顯現如何能生微妙靜慮是名疑惑由此五蓋學行難成戒定慧門不能顯了如是知己審諦思惟修定之人應當遠離精勤修習能除欲苦獲深禪定而不味著由此靜慮起五神通云何爲五所謂天眼天耳佗

心宿住神境智證通云何名爲天眼智通以天眼力徹見十方無量無邊諸佛世界所有一切衆生之類若卵生若胎生濕生化生有色無色有想無想非有想非無想等一切有情如觀掌中阿摩勒果如是有情皆被諸苦之所纏縛菩薩觀已起大悲心此等有情墮

生死海糞穢大坑我今云何放捨不救以是應當勤加精進身心無倦便能發起念佛三昧以定力故能見十方一切諸佛徧滿虛空坐金剛座成等正覺或見諸佛初轉法輪或見諸佛徃於天上或見如來從寶階下或見如來入里乞食或見如來隨根說法或爲國

王大臣長者居士婆羅門身如應說法或爲
苾芻苾芻尼信男信女如應說法或現天龍
藥叉阿蘇羅健闍婆迦嚩羅緊捺羅摩呼洛
迦人非人等薜荔多畢舍遮鳩畔吒補怛那
迦吒補咀那闍摩羅王餓鬼傍生各隨本音
皆言如來爲我說法悉得解悟歡喜踊躍或

見諸佛爲諸菩薩說六波羅蜜或爲緣覺說

十二因緣或爲聲聞說四諦法或勸有情安
十善道或見諸佛現梵王身如應說法或現
帝釋身如應說法或現護世四王身如應說
法或現大自在天身如應說法或現那羅延
天身如應說法或現日天子身如應說法或

多八

八

現月天子身如應說法或現龍神藥叉諸仙
婆羅門等身如應說法或有應現轉輪王身
國王宰官諸男女身和上阿闍梨及佛如來
尊重弟子皆爲現之如應說法或現地獄餓
鬼傍生異類之身而爲說法各各聞已離諸
苦難及離飢渴不相殘害慈心相向或有應

見婆羅樹林入般涅槃而爲現之如應說法
或有應見般涅槃後分布舍利起諸塔廟而
爲現之令申供養而得解脫如是諸佛現種
種相皆令得度生老病死如是諸相徧滿虛
空皆佛神通自在變現種種奇特諸希有事
菩薩雖見如是種種神通變化但名靜慮所

起天眼不得名爲波羅蜜多

復次菩薩摩訶薩所得天眼勝於一切天龍
八部有學無學聲聞獨覺所得天眼最上最
勝最妙最尊最極明淨最大勢力以此天眼
能見過去無量無邊諸佛菩薩行住坐卧種
種威儀種種行門禪定解脫十地妙智陀羅

尼門無礙辯才善巧方便悉令圓滿如是菩
薩天眼清淨見諸色像無有障礙無染無著
不取一切色像之相能離一切隨眠執見然
其眼根本性清淨亦不依止一切境界又此
眼根不從一切隨眠煩惱習氣所生亦無染
著不迷不亂亦無翳障無復分別不爲一切

多八

九

諸煩惱障及所知障之所纏縛於一切法而得自在又此眼根能了一切諸法平等住真解脫能知一切差別根性無能壞相於一刹那能見一切有情之類又此天眼體性明淨能離一切濁亂之法而能覺知慈悲之性不捨有情亦無縛著無貪無害又此天眼勝義

境界從真諦生智爲先導住於大悲了達諸法及甚深義離諸戲論如所見聞能如實說遠離一切諸不善法趣向無上正等菩提心無障礙見慳惜者勸令捨施見毀禁者生悲愍心見多瞋者令住平忍見懈怠者令起精進見散亂者令修靜慮見愚癡者令學智慧

行邪徑者示以正道狹劣心者示以大乘今諸有情入一切智發勝神通圓滿菩提一切智智慈氏當知此即名爲菩薩摩訶薩修行靜慮所起清淨天眼智通復次慈氏云何名爲菩薩摩訶薩修行靜慮波羅蜜多起天耳通所謂以天耳力勝於一

一切天龍八部聲聞獨覺菩薩摩訶薩所得天耳最上最勝最妙最尊最極明淨有大勢力何以故由此功德迴向無上正等菩提菩薩摩訶薩以此天耳能聞十方無量世界諸佛如來獨覺聲聞天龍八部人與非人乃至地獄餓鬼畜生情非情等所有音聲悉皆得聞彼諸有情若干種心三業差別所出音聲如是菩薩皆如實知凡所發言作善惡因起貪著語迷惑之聲亦如實知或有言音理雖真正言詞麤獷或有言音二俱麤鄙以或有言音二俱妙好或有言音二俱麤鄙以此天耳皆如實知又此天耳能聞一切凡聖之聲於凡不厭於聖不忻於賢聖境起愛樂心於凡夫境起大悲心如是一切前中後際所有音聲皆如實知不生執著又此天耳普聞十方無量無邊所有世界一切諸佛說法音聲皆如實知心無錯亂亦不忘失隨根爲說了知法性無堅不堅非虛非實聞一如來

所說正法無邊諸佛所有法門一時悉聞不錯不亂不相妨礙悉能領受文字章句義理性相皆如實知又聞如來爲諸衆生各隨類音而爲說法今諸有情了真實相皆得解脫以此功德迴向如來清淨天耳願於未來不聞一切聲聞獨覺二乘之名慈氏當知此即

名爲菩薩摩訶薩修行靜慮所起清淨天耳智通

復次慈氏云何名爲菩薩摩訶薩陀心智通所謂一切有情過去未來現在之心善惡無記皆悉能知復知過去一切有情所作諸業因果差別又知衆生大心小心非大小心有欲無欲垢無垢心愚心智心廣心略心定亂縛脫勝劣差別上心下心皆悉知之又知有情布施持戒忍辱精進禪定智慧有相無相慈悲喜捨相應之心或聲聞獨覺大乘菩薩相應之心此諸有情能具如是善根之因或復有情生於貴族所爲下劣或生下贱心性

清淨或心性不善所爲清淨或二俱清淨或二俱不善如是有情過去所有心行差別皆如實知隨其所應而爲說法此即名爲了知過去一切有情陀心智通復能了知未來有情現在布施能生未來淨持戒因復知有情現在持戒能生未來安忍之因又知現在安忍因緣能生未來精進之因又知有情現在精進能生未來靜慮之因又知有情現在修相善能生未來無相慧因又知有情現修小善能作未來大乘之因如是諸心因緣相貌菩薩摩訶薩皆如實知隨緣故拔心無勞倦令諸有情深入佛慧無有增減如是說法無有

卷八

十一

斷絕未曾於法生慳惗心此即菩薩能知未來陀心智通復知現在一切有情有貪欲心無貪欲心有過失心無過失心愚心智心廣心略心定心亂心動心不動心縛無縛心垢無垢心廣大心無量心上下心皆如實知一有情無量煩惱之所繫縛皆如實知如是

知已隨根差別如應說法了心無心不著自他以善方便禪定智慧決擇有情根性利鈍永斷生死煩惱根源了本性空圓滿無缺無染無著亦無過失無滓無穢亦無麤澁了知諸法如幻如化能知有情心行差別慈氏當知此即名爲菩薩摩訶薩修行靜慮所起清淨陀心智通

復次慈氏云何名爲菩薩摩訶薩修行靜慮波羅蜜多起宿住隨念智證通所謂住不動地得法平等善能了知諸法實性清淨智慧住奢摩陀毗鉢舍那止觀相應於一切事心無忘失智爲先導三業清淨福德智慧一種莊嚴自然覺悟不由師教到於涅槃常樂彼岸菩薩摩訶薩以如是智能憶過去一生二生若十二十乃至一劫百千萬億那庾多劫若成若壞皆悉憶知彼諸劫中如是有情生如是家如是父母如是種族如是姓字如是相貌色力壽量苦樂等事無不明了又諸有

情此滅彼生種種家族自身他身無量劫生悉皆憶念及彼生處所有善根及相勸發憶念知已悉皆迴向無上菩提又觀過去生死之身無常苦空無我不淨如是知已於諸色相壽命脩短富貴自在不生我慢不求釋梵護世四王人天果報但以大悲利樂有情隨多士

願受生又知過去無量生中所造惡業深生愧悔於現在世能捨身命不造諸惡於無量世所有善業悉皆迴向阿耨多羅三藐三菩提普施法界一切有情不求世間最上果報紹三寶種盡未來際無有斷絕求無休息慈氏當知此即名爲菩薩摩訶薩修行靜慮所起清淨宿住智通復次慈氏云何名爲菩薩摩訶薩修行靜慮波羅蜜多起神境智通利樂無盡所謂菩薩住不動地得真寂靜除去憂苦尋伺喜樂出入息等不生不滅住真法界能現種種神通變化或身如火聚放大光明徧滿三千大千世界或身上出水如注大

兩搘摹日月威光自在或現大身上至梵天
或現小身猶如芥子或震動大地如水濤波
或以一身而現多身或以多身還復一身或
隱或顯說種種法或沒山石或復直過若上
若下如電流光徃還自在行坐空中如鳥飛
翔或履地如水履水如地出沒自在無所障

礙如是神力皆爲利樂一切有情復以大悲
普門示現或現佛身或菩薩身聲聞獨覺釋
梵等身及諸異類種種之身隨其根性皆悉
爲現隨其樂欲而爲說法或諸有情恃其力
勢而起貢高隨彼所應而爲現身調伏說法
或爲釋梵護世四王那羅延等諸大力士爲

多八

十三

降伏故舉妙高山擲置佗方無量世界猶如
擲彼阿摩勒果還置本處而諸天人無往來
想菩薩神力亦無損減又復於此三千大千
世界上至色究竟天下至水際以其右手掌
此世界住經一劫行住坐卧而無妨礙還置
本處而諸有情水性之屬亦無妨害都不覺

變火爲水如是種種上中下法隨心變化而
得自在更無有人能動轉者除佛世尊餘無
能壞菩薩以此廣大神變隨其根緣說廣略
法令諸有情而得解脫如是菩薩自在神力
一切天魔及煩惱魔所不能障以是菩薩過
彼天魔及煩惱魔入佛境界隨其根緣拔濟
有情得大自在常不斷絕無能動轉慈氏當
知此即名爲菩薩摩訶薩修行靜慮所起神
境智通化用無盡如是五通但名靜慮不得
名爲波羅蜜多

復次慈氏若諸菩薩得此通已精勤修習靜
慮波羅蜜多於無上菩提得不退轉譬如貧

知往來之想如是菩薩示現自在神通力時
令諸有情驕慢之心悉皆調伏而爲說法復
次菩薩以神通力隨意所欲皆得自在如如意
寶所求皆得或變大海而爲牛跡或以牛
跡而爲大海或現火灾至於初禪或現水灾
至於二禪或現風灾至於三禪或變水作火

人掘一伏藏未見異相猶懷懈慢穿掘不已漸見少相勇銳精勤無有休息以不息故便能得之菩薩摩訶薩亦復如是未得阿耨多羅三藐三菩提日夜精勤修真靜慮不休不息乃至證得無上菩提復次慈氏如是靜慮一切有情發心非難長時不懈能成就者是

則爲難譬如勝軍侵奪佗國取之不難得已善守是則爲難外道邪師修定亦尔不近善友不聞正法邪求解脫獲無色定謂得涅槃壽盡之時趣地獄報復如癡人畜養毒蛇常飲牛乳所以者何世醫皆言牛乳除毒蛇飲乳已瞋毒轉盛如是癡人謂蛇毒盡而摩訶

多八

古

之爲蛇所螫中毒而死一切衆生亦復如是日夜畜養如是毒身爲求安樂常供飲食無常忽至死魔毒發失諸善法趣向三塗復次慈氏聲聞獨覺所得靜慮斷煩惱障無大悲心而入涅槃非真靜慮凡夫有情身口意業恒爲八萬四千煩惱之所纏縛不得自在譬

如有人供養怨家羅刹惡鬼供給不已漸得調伏煩惱怨家惡羅刹鬼則不如是供給色香煩惱轉熾難可調伏何能修習禪定解脫既無禪定何有智慧既無正智十善亦無當墮地獄餓鬼傍生以是因緣菩薩摩訶薩應修梵行四無量心起無緣慈普偏法界何以

故菩薩大慈無有齊限不可思量無邊際故一切有情徧十方界菩薩大慈亦復如是譬如虛空無有邊際菩薩大慈亦復如是以是當知有情無盡菩薩大慈心亦無盡真空無盡慈亦無盡以是因緣菩薩大慈真實無盡爾時慈氏菩薩白佛言世尊菩薩普於如是

有情起大慈悲頗有譬喻得宣說者願爲開示

爾時薄伽梵告慈氏菩薩摩訶薩言善男子不可以少因緣譬喻而得宣說慈氏當知譬如東方有毘舍沙等世界南西北方四維上下亦復如是如是十方毘舍沙數世界合爲

多八

古

一海滿中海水如是十方琉璃沙數世界滿中有情一一有情各持一毛取大海水滴於餘處至滿一劫是海有竭彼諸有情尚未窮盡善男子如是有情偏於十方琉璃沙數世界菩薩於彼一一有情起大慈心善男子於意云何如是慈心有邊際不慈氏菩薩白佛

言世尊假使虛空尚可測量此大慈心不可窮盡

佛告慈氏若菩薩摩訶薩聞是慈心無邊無盡不驚怖者當知是人亦得如是慈心無盡其慈心者能護自佗滅除一切諍訟諸惡能覆有情所有過失令諸衆生三業調善常得

安樂離諸恐怖多瞋恨者令其慈忍息諸戰陣刀兵等苦悉能救護一切有情離諸欺誑名聞十方釋梵四王恭敬供養慈心瓊珞以自莊嚴爲諸有情解脫導首能令二乘迴心向大積集一切菩提資糧不爲世福之所屈伏恒以相安莊嚴其身能除一切諸根殘缺

捨離入難得生人天行八聖道涅槃正路菩薩修慈不貪五欲但於有情起平等心行布施時心無分別護淨尸羅救犯禁者示安忍力令離瞋恚所行精進皆順正法住三摩地心救一切發大智慧出離世間煩惱菩提無有二相無緣大慈降魔軍衆而能安樂一切

有情此生來生常不捨離行住坐卧恒勸修持我慢銷除離諸放逸又慈心者慚愧衣服淨戒塗香能斷世間煩惱習氣饒益有情施一切樂聲聞慈心唯求自利菩薩大慈救護一切復次慈氏慈有三種一衆生緣慈二法緣慈三無緣慈云何衆生緣慈若初發心偏

十六末

觀有情起大慈心云何法緣慈若修行時觀一切法名法緣慈云何無緣慈得無生忍無有二相名無緣慈慈氏當知此即菩薩摩訶薩住真法界大慈心也

大乘理趣六波羅蜜多經卷第八

多八